

兵衛記第八

江陰縣志卷之十

律書之贊非兵不強蓋師以律也司馬氏法從來久矣尚書曰有備無患其自全之道歟

宋禁軍曰雄節營

在都倉北本熙寧之教閱廂軍也元豐陞為禁軍額五百人雄

節十五指

廂軍曰崇節營

在聖京門內元額五百人崇節三十五指揮統

之後後橫江水軍在其中又

曰牢城營

在觀風門外沿河西曰

作院 無管額二

土軍曰石牌寨

在縣東十八里

曰申港寨

在縣西三十里二寨並太平

弓兵曰尉司弓手寨

在尉廳之側額二百人尉索變有記

水軍曰駐劄水軍寨

在縣西即許浦水軍

江陰縣志卷之十

一

陸福齋

之所分駐也額三百人先是淳熙壬寅始營寨屋

三百六十五間甲辰春乃駐劄于此後將官陳俊

復闢水軍教場

軍教場 在軍治

其本軍措置分屯

處所

曰小石山寨將官一員正軍三百人曰黃田

一員正軍三百人曰六射梁寨訓練官一員正軍

一百人曰君山感化院將官一員正軍二百人曰

光孝寺統制一員武德正軍一百人訓練官等晝

夜沿江巡警提督諸寨官兵曰貢院統制一員秉

義將官一員正軍二百人聽候調遣隨軍火其紹

頭白直三百八十三人亦依軍數多寡分隸

興烽燧處所 尉司三所曰君山曰黃山曰夏港石

曰雷溝曰陳溝曰蔡港曰季港曰范港曰令節港

申港巡檢司八所曰五斗港曰諸墟江岸曰鍾究

江岸曰橫擔江岸曰利港西頰曰桑

墟江岸曰申莊江岸曰申港東頰

元官兵曰鎮守萬戶府鎮撫司千戶所

額數無考 賀志云元

在軍教場設萬戶府名曰演武及千戶一十五翼并鎮撫司

土兵曰申港巡檢

司曰石牌巡檢司

俱仍 宋舊

曰馬馱沙巡檢司

在江 北沙 曰

長壽巡檢司

在長 壽鄉

國朝官軍曰江陰衛改曰連陽衛又改曰守禦百

戶所又陞曰守禦千戶所

並縣治東即元萬戶府也先是 國朝丁酉取

江陰州即置江陰衛甲辰乃更州衛名為連陽至 洪武二年改州為江陰縣廢衛立守禦百戶所十

一年陞千戶所十三年改 調官軍于西安衛遂廢

土兵曰利港巡檢司曰

石頭港巡檢司曰范港巡檢司

俱仍元舊額各弓 兵百人弘治九年

裁革額各

曰新港巡檢司

元設馬馱沙巡檢司于 江北沙 國朝吳元年

開建于西沙永樂四年移置 新港成化七年分屬靖江縣

演武教場

在君山西 國初

因革衛所元宋舊址廢正德元年本府 推官伍文定創闢於此委官操演民壯

靖海關

田港

朝陽關

在春暉門外二關並推 官伍文定知縣劉紘建

自今觀之江陰邊大江要害也久罷戍守

國家承平民安衽席也有宋觀之備設戒嚴條

貫具在不有可慮乎是故懸衡於未然察變於

倚數智者之方也胡元僭主中國罷天下城守

武備不修尋復悔之政衰運亡已不救矣我

太祖之興天造神斷不變區宇始平江陰設衛命將視如重鎮其後僭亂削平日以無事撤江陰軍移鎮西安惟三司弓手主捕盜賊各守亭堠如故某年議者以江寇竊發建設民壯若干人闢教場教之古者兵制兵出於民則考其成丁歸農之限耕戰部伍之法屯戍替易之期皆須見其曲折今籍民之壯出自戶徭徭者轉相募力歲給之食則其身常在官而官不爲費視古差易惟上團結之使其力不分於別差時操閱

之使其心常存於治敵則敵至不畏城守有功勇敢出矣昔唐澤潞留後李抱真籍戶丁男三選其一暇時分曹角藝歲終都試申示賞罰三年人皆善射得部內勁卒盈萬其籍民兵之效乎

古今防略

宋文帝元嘉二十七年魏太武帝率大衆至瓜步壞丹陽統內盡戶發丁命將軍劉遵等將兵分守津要上接于湖下至蔡州陳艦列營連亘江濱自采石至暨陽六七百里唐李希烈之亂韓滉鎮順州造樓船三千枕以舟師由海門大閱至申浦乃還吳徐溫禦越師一戰于潘葑二戰于霍丘三戰于江陰四戰于無錫以平

內難功授常州刺史 周顯德二年王師征淮  
安吳越屯兵境上以待周命吳越相吳程欲遂  
取常州會南唐有詔安撫江陰元德昭請姑伺  
之俟不從直趨常州又使路彥銖攻南唐宣州  
唐羅晟帥戰艦屯江陰 紹興四年十二月二  
十日三省樞密院同奉聖旨勘會江南沿江為  
軍皆係緊要控扼重地除已措置專委諸路帥  
臣漕臣打造車戰船外合行招置水軍教習戰  
船以備緩急禦敵內一項令臨安平江鎮江府  
秀州常州江陰軍太平池江洪州興國鄂岳潭  
州各置水軍以五百為額並以橫江為名其招  
軍例物并請受並係雄節指揮則例支放 隆  
興二年十二月二十二日指揮勘會通泰江陰  
軍海道江面闊遠切慮任責不專三省樞密院  
同奉聖旨令范榮專一措置捍禦通泰料角楚  
州鹽城縣水陸一帶江面如有緩急互相策應  
乾道八年知軍向子豐劄子以江陰邊臨大  
江舊有軍馬屯駐紹興間邊場罷嚴併歸大軍

三十年以來鎮江分差水軍三百人防秋之際  
又於福建路分差海船在軍擺泊後至乾道六  
年李彥春移屯許浦自此本軍全無軍馬欲乞  
朝廷屯駐大軍去處分撥三五百人以便軍守  
淳熙七年奏請益力以許浦水軍三百人分駐  
于此 建炎三年江東安撫使劉光世將兵自  
江州移屯江陰又諜報兀朮將自海道窺江浙  
韓世忠亦駐軍江陰 紹興五年劉光世充淮  
西太平州宣撫使水賊邵清擾通泰有大小戰  
船三千餘至是抵太平州城下詔光世討之又  
犯江陰軍及崇明鎮遂為光世所圍勢蹙乃降  
守江之策有三節昔多備舟楫錢鏐之備浙  
西則於福山江陰控扼尤緊今宜勸此令鎮江  
江陰福山沿流各具戰艦又於江岸常屯重兵  
此備真揚通泰渡江之策也 淳祐中蒙古兵  
圍襄陽入嘉定又分兵自海道來犯兩浙將渡  
江薄江陰軍蔡判趙良珂帥舟師備火筏攻之  
焚其舟千餘獲其主帥送於朝廷淳六年江陰

不即陷於元良珙之力也 至正七年沿江兵起兩淮運司宋文瓚言於元主曰江陰要害不急選知勇以圖戍守東南財賦非國家有矣後十年州人諸定等作亂不能平江浙行省命元帥觀孫討之定乘間脫身求救於僞周張士誠盛陳江南土地之饒金穀子女玉帛之富士誠乃遣其弟士德率高郵賊衆渡江攻常熟遣其別將來擊江陰知事朱道存遂以城降果如宋文瓚所言 龍鳳丁酉六月夏 王師既克江陰定遠侯吳良方統制丹陽 朝廷命良移兵鎮之 丙午年張士誠分兵來寇我

太祖親率兵督戰追至巫子門急擊之俘獲無筭班師入江陰城 正德初河北劉齊大盜稱亂王申閏五月遡流直犯江陰大縱焚掠郡守李嵩急來救率令登城躬擐甲冑以厲士卒於是分卒奮死出擊之斬賊百餘人又募善泅者沉賊舟賊乃退既又來攻嵩令大開城門賊疑有備不敢近退據狼山總制都御史陸公完統兵

江陰縣志卷之十

五

子括刊

盡殲之

尉司新建弓手寨記

江陰軍舊兩尉蓋控扼之地不得不然東尉既省事併而專其責逾重弓兵常置二百人觀旁邑爲多養之亦加厚所以銷姦宄安良善爲江孺之保障也始予得尉茲邑或曰阻江而盜多予甚憂之既至而攷弓兵之籍多闕不補詢武藝之教亦復久廢乃多方招募營葺射亭謹閱習法而至者常先後不齊察其故則遠者居數里外稍近者二三里而家于尉曹之旁者纔數人予喟然嘆曰此曹之設本以備不虞爾群焉而居猶懼弗及散而不聚如緩急何欲擇便地爲營役大用艱莫闡其端乃請予常平使者羅公求頃歲傭錢之未給者千七百餘緡與夫在官之田爲之基公忻然從之田散而不屬以易私田廣三十畝鄰於閱習之場曩愷寬平卜云其吉鳩工庀材考極相方矣會御史吳公力言弓兵利害宜拘之營以革散處之弊上施行之

太守侯公奉命唯謹乃輟郡計錢以緡米以石者二百木三百章以佐其費羅公行部至而觀焉復給錢三十萬以竟其役蓋經始於丁未之仲春而告具於是年之季冬凡爲屋百七十六間而棲神有宇宿甲有房勸功有亭凡授屋人處其一有功者加半或倍之董役而有勞者三之未有室者兩人同之於是向之散處於外者合而爲一等級相承上下有列而又穿渠瀦水足以備災斲石爲梁無或病涉里中好誼數家復以地假我乃翦榛莽闢通途而營壘備矣凡役之興謀之而無阻爲難謀之無阻而又有助焉尤其難也是役也諸所興爲悉倣軍營制度而瓦木竹葦之直皆豫給之事克有濟而於民無擾得非沮之者微而助焉者衆歟然猶有懼焉蓋自古業無細鉅其能傳諸久遠者皆作者經營於前而繼者維持於後也予鄙人也罷精憊思而不敢告勞以備不虞姑盡吾心焉若夫因其緒業加之潤色使居其中者常聚而不散

江陰縣志卷之十

六

何元

聞其風者畏憚而不敢發得無墜於後人茲予所以爲之記也淳熙十五年月既墜日四明袁燮記

兵衛記第八

江陰縣志卷之十